

Sinalbar ni Jose ti Adu a Biag

GENESIS KAPITULO 41-50

ADDA KARKARNA A NATAGTAGAINEP
NI FARAON NGA ARI TI EGIPTO.

IDI KUAN, NAGSAO TI PANGULUEN DAGITI AGAW-AWIT
ITI KOPA A KADUA IDI NI **JOSE** ITI PAGBALUDAN.

ASINO TI
MAKAIBAGA ITI
KAYULOAN TI
TAGTAGAINEPKO?

ADDA AM-AMMOK
A **LALAKI A HEBREO**
A MAKAIBAGA ITI
KAYULOAN DAGITI
TAGTAGAINEP.

DARASENYO!
IRUARYO ITI
PAGBALUDAN
TAPNO KASARITAK!

NADAMAGKO
A KABAEALAM NGA
IBAGA TI **KAYULOAN**
TI TAGTAGAINEPKO.


SAAN A SIAK
NO DI KET TI **DIOS**
TI MANGIPAKAAMMO
ITI MAPASAMAK
KADAKAYO. ANIA TI
TAGTAGAINEPYO?

NAKAKITAAK ITI **PITO**
A **NAKUTTONG A BAKA** A
NANGLAMUT ITI **PITO A NALUKMEG**
A BAKA. KALPASANNA, NAKAKITAAK
ITI **PITO A NAKUTTONG A DAWA TI**
BUKEL A NANGALUN-ON ITI **PITO**
A **NALUKMEG A DAWA**
TI **BUKEL**.

IBAGBAGA KADAKAYO
TI PUDNO A **DIOS** NGA ADDANTO
PITO A TAWEN A NARUAY TI TARAON
ITI EGIPTO A SARUNUEN TI **PITO A**
TAWEN A NAKAKIRKIRANG
TI **TARAON**.

AGURNONGKAYO
ITAN KEN **AGIPEMPENKAYO**
ITI **ADU A TARAON** TAPNO
ADDA UMDAS A MAKAN
INTON MAIBUSEN
TI **TARAON**.


NI FARAON PINAGBALINNA
NI JOSE A MAIKADUA A
KATAN-OKAN ITI EGIPTO.



NAGURNONG KEN
NAGIPEMPEN ITI TARAON
NI JOSE PARA KADAGITI EGIPCIO
TAPNO DIDA AGBISIN INTON
MAIBUS TI TARAONDA.



MAYSA NGA ALDAW, DIMTENG **DAGITI
MANONG NI JOSE** TAPNO MANGALA ITI
TARAON PARA KADAGITI PAMILIADA KEN
ITI BURIDEKDA A NI BENJAMIN.



NGEM SAANDA A NALASIN NI JOSE.



NAULPIT PAY LA
NGATA DAGITI
MANONGKO . . .

SUBOKEK
MAN IDA TAPNO
MAAMMUAK NO
NAGBALBALIWAN.



NO AGPAYSO TI
IBAGBAGAYO, IKUYOGYO
DITOY TI **BURIDEKYO**
INTON AGSUBLIKAYO NGEM
IBALUDKO PAY LAENG TI
MAYSA KADAKAYO.

MAPASPASAMAK
KADATAYO AMIN DAGITAY
A DAKES A BAMBANAG
GAPU ITI **NAULPIT A
PANANGTRATOTAYO IDI
KEN JOSE!**



IDI **NAGSUBLI** ITI EGIPTO DAGITI MANONG NI JOSE,
INKUYOGDA TI BURIDEKDA A NI **BENJAMIN**.

ISU KADI
DAYTOY TI
BURIDEKYO?

SINUBOK MANEN NI
JOSE DAGITI MANONGNA.

IKABILMO TI
PIRAK A KOPAK
ITI SUPOT NI
BENJAMIN . . .

KABIGATANNA, BAYAT NGA **AGAW-AWID**
DAGITI KAKABSAT NI JOSE . . .

AYANNA TI **KOPA**
TI **AMOMI**?

ANIA A
KOPA?

DAYTOY.

ITI BALAY NI JOSE . . .

NGEM NAGPAKPAKAASI NI **JUDA**
A MANONG NI **BENJAMIN** . . .

ANIA **DAYTOY**
NGA INARAMIDYO?
MANNANAKAW!
PAGBALINEK NGA
ADIPENKO NI
BENJAMIN.

SIAK LAENGEN
APO TI PAGBALINENYO
NGA ADIPEN IMBES A NI
BENJAMIN KET AGSERBIK
KADAKAYO.



SIGURADO ITAN NI JOSE A
NAGBALBALIWEN DAGITI MANONGNA.



SIAK NI
JOSE.


IMBAONNAK
DITOI TI DIOS A
MANGIPAAY ITI TARAON
TAPNO DIKAY MATAY.



KASLA DIAK
MAMATI!

IMPOSIBLE . . .

NGEM ISU A
TALAGA NI JOSE!



IDI AGANGAY, **IMMAKAR** ITI EGIPTO TI
TATANG NI JOSE, KAKABSATNA, KEN
DAGITI PAMILIADA. SINIERTO NI JOSE
NGA ADDA **UMDAS A PAGTARAONDA**.

NASUROK A 200 A TAWEN A
NAGNAED ITI EGIPTO DAGITI PAMILIADA.

**ANIA TI MASURSUROTAYO KEN JOSE KEN
KADAGITI MANONGNA?**

KASANO TI **PANANGTRATO** NI JOSE KADAGITI
MANONGNA IDI NAKITANA A NAGBALBALIWEN?
*PAMALATPATAN: GENESIS 50:19-21;
1 PEDRO 3:8, 9.*

KASANO NGA IMPAKITA NI JUDA NGA **AY-AYATENNA**
NI ADINGNA A BENJAMIN?

PAMALATPATAN: GENESIS 44:18, 33, 34.

NO ADDA MANGDANGDANGNAN KENKA, ANIA TI
RUMBENG NGA **ARAMIDEM?**

PAMALATPATAN: 1 TESALONICA 5:15.